

莆

陽

比

事

莆陽比事卷之二

龍坡李俊甫幼傑纂輯

致身揆路列官從橐

葉容僉書樞密院事叅知政事知樞密院事尚書  
左僕射兼樞密院使觀文殿學士少師謚正簡

陳俊卿同知樞密院事尚書右僕射兼樞密院使  
左僕射觀文殿大學士太師魏國公謚正獻御賜  
清忠亮直之碑 龔茂良叅知政事資政殿學士

少保清源郡公謚莊敏 鄭僑同知樞密院事觀

文殿學士太師蔡國公 十朝綱要中興百官題名 附見陳文龍

黃鑪

潘慎修諫議大夫翰林院學士 咸平初考唐制置翰林學士楊徽之

邢晏夏侯僑呂文仲首領是選畢士安潘慎修繼焉八年間纔六人而已 陳靖諫議大

夫 李欣諫議大夫 李歆刑部侍郎 方慎言

諫議大夫 陳睦中書舍人寶文閣待制 方偕

天章閣待制 蔡襄翰林學士給事中吏禮侍郎

端明殿學士謚忠惠 徐鐸吏部尚書 方會給  
事中工部侍郎顯謨閣待制 陳次升諫議大夫  
給事中寶文閣待制 朱紱諫議大夫給事中寶  
文閣待制 許敦仁工部侍郎御史中丞 陳彥  
文兵戶部侍郎顯謨閣直學士 蔡佃徽猷閣待  
制 蘇烜禮部侍郎徽猷閣待制 傅楫中書舍  
人龍圖閣待制 傅誼夫兵部侍郎 蔡洸吏部  
侍郎戶部尚書徽猷閣學士 林大禹諫議大夫

吏部尚書 宋棐禮部尚書數文閣待制 王晞

亮工部侍郎給事中 林光朝中書舍人工部侍

郎 陳居仁中書舍人文華閣直學士謚文懿

黃艾工部侍郎中書舍人刑部侍郎徽猷閣待制

黃黼刑兵部侍郎 余崇龜中書舍人兵部侍

郎給事中 蔡戡寶謨閣直學士 劉彌正吏部

侍郎

宰執歷侍  
從者不載

今侍郎陳謨數文閣待制 給事劉棐寶文閣待

制

二公姑書  
見歷官

附見方大琮葉大有劉克莊陳堯道

方應發

省部寺監館學臺閣

省起居郎林震薛元鼎

起居舍人陳絳陳士楚

薛元鼎

司諫陳絳

正言陳絳方軫林震 檢

正傅淇

左司許懋林之平方邵林正

右司方

養林正林之平林一飛

檢討林一鳴今陳卓

編脩鄭樵彭椿年劉夙林一飛陳士楚今陳卓

剛定陳彥恭林寔陳豐歐陽昶林一鳴

部吏部郎方蘋陳磷卓厚鄭濟林成材朱宗王悅  
姚宗之林杅薛元鼎彭椿年陳士楚鄭棗傅誠

司封郎陳士楚方銓 司勳郎林震 考功郎鄭

濟蘓棧黃公度方廷實陳士楚蘇十能 戶部郎

陳彥恭林一鳴薛元鼎 度支郎李德昭薛元鼎

陳守 金部郎林冲之 倉部郎朱宗趙伯達陳

膏 禮部郎陳絳許搏方廷實陳士楚 祠部郎

傅友諒林成材 主客郎林冲之 膳部郎陳沆  
陳仁璧傅友諒 兵部郎鄭濟林師悅 職方郎  
陳昭素方峻黃從正翁彥升蔡樞方慎從 駕部  
郎王尋方昭鄭蒨朱宗 刑部郎徐確徐發陳彥  
恭方廷實方銓陳守 都官郎許貞方慎從方嶠  
林冲之傅淇葉賓方士寧方蕃 比部郎方蕃方  
天任鄭蒨 工部郎陳絳陳守 屯田郎方龜年  
郭琪余象劉若虛吳世延李昭用鄭伯喈方任方



峻薛利和葉賓方慎從林一蜚 虞部郎徐昌燧  
鄭禧 水部郎蕭綸 六部監門傅誠今蔡開  
六部駕閣顧杞黃伯剡蔡闢

寺太常卿林定林茂先 少卿方嶠林震陳膏

丞葉賓鄭濟姚宗之彭椿年陳士楚蘇十能 博  
士徐昌燧陳瑞鄭子莊黃中庸林自張式吳廷言  
黃宣許貞葉賓方慎從鄭伯喈李昭遠鄭濟姚宗  
之許葵今劉棠蘓十能傅誠 大社令方秉哲

宗正少卿方廷實傅琪 丞陳覺民陳開林冲之

徐確陳士楚方銓葉元澣 簿王回薛元鼎陳守

傅誠陳卓 光祿卿陳鑄 衛尉少卿鄭濟陳侗

丞鄭蒨 大理少卿朱宗方銓 正陳彥恭

丞薛儵翁鑑陳甲王回吳志寧陳安國王尋蔣俞  
王壽方慎從鄭蒨李昭遠方綦方蔚王晞韓陳芾

司直鄭伯玉薛儵方祁 評事陳彥芳黃長裕

魏吉甫陳航吳師尹 鴻臚卿林英朱宗 司農

卿朱宗 少卿陳膏傳琪 丞朱宗陳守方輔宋

陳顯仁林一鳴葉元澣 簿林一鳴許知新 大

府卿朱宗 少卿陳膏傳琪 丞陳顯仁陳守

簿宋鈞

監殿中丞徐昌圖薛繼方慎言方孝錫翁損陳鑄

鄭禧 將作監陳守 少監姚宗之 丞陳顯仁

葉元澣 簿方希益鄭伯奇林國輔方祁 軍器

監鄭稟 少監薛元鼎陳士楚 丞方晞韓許知

新陳懽 簿姚宗之方初鄭寅

館秘書監陳致雍林震 少監方天若方廷實

丞林徽陳悅之陳勣之方慎從鄭伯喈吳世延薛  
元鼎 著作郎廖鈞陳淇許穎方天若 秘書郎

唐翁龔朋皇朝陳高許葵 著作佐郎方儀方慎

從鄭伯喈吳世延許貞王侗方仲守陳珙林自徐  
師仁劉夙 校書郎唐黃璞皇朝黃肇黃諭翁緯  
黃理李昭物方慎從鄭伯玉鄭叔明鄭至道葉傳

許搏方天若黃靜黃隱徐師仁黃公度林枏 正  
字唐徐寅皇朝方通方邵林自方天若林宗卿許  
搏黃公度方翥劉夙劉朔林枏劉起誨 史館編  
修顧天倪徐師仁方天若 秘書省刪定方畧  
館閣校勘黃君俞陳侗林震

國子祭酒彭椿年 司業洪中黃隱林成材陳高  
蘇棫林伯顯林震薛元鼎彭椿年 丞方永王悅  
薛元鼎蔡闢 博士徐昌圖鄭元興林仲舒陳豐

王履吳世延鄭蒨林成材蘓棧李德昭顧杞蘓十  
能傅誠蔡開 簿鄭畊老陳士楚彭椿年蘓十能  
陳懌 正林震黃伯劑 錄蔡樞顧杞姚宗之

太學博士陳開方甸黃宣林閱鄭伯喈林震蔡伸  
姚宗之傅誠顧杞蔡開 正蔡伸林自林處薛元  
鼎蔡開 錄林自方秉哲 書庫官方灼 四門  
博士唐黃滔 四門助教唐歐陽詹 國子直講  
黃君俞 宗子博士方伯鎮余祖奭林利方翼吳

公懋方通朱叔明陳驥林宋卿陳顯仁 諸王宮

教授方侗方公衮劉崇

臺侍御史鄭濟 殿中侍御史唐林藻陳嶠皇朝

黃黼黃隱鄭伯玉方禧卓厚陳膏 監察御史王

回卓厚許禎黃隱林之平陳膏許搏方廷實傅淇

臺法方廷實 臺簿阮鵬

閣右文殿修撰方天若陳覺民 秘閣修撰林震

黃沔 直龍圖黃隱林積仁蔡佃林之平王悅方

邵傳淇 天章侍講林瑀 直寶文鄭稟 直寶

謨方銓 直秘閣許懋蔡櫛林震陳守鄭廷芬林

孝澤陳蒂 直顯謨陳國瑞 直徽猷方廷實陳

起宗林杅宋煜

建炎以前未詳所考曾任  
宰執者侍從者歷官不載

林家九牧陳氏五侯

唐林披一作丕字茂則一字茂彥莆田人年十五

自寫六經百家子史千餘卷年二十以明經擢第

爲汀州漕掾郡多山鬼披著無鬼論廉使李承昭



器之奏授本州別駕知州事累官太子詹事贈睦

州刺史子九人曰葦曰藻曰著曰薦曰煜曰蘊曰

蒙曰邁

或名冀

曰旣俱爲刺史號九牧林家或云

旣爲處士并其父號九牧云今楓林有林氏伯仲

九侯墓

閩中名士傳林氏續慶園唐史叅出

陳洪進字濟川仙遊人方五季亂離盡有漳泉之

地開寶中沙門行雲謂人曰此去五年後陳氏一

門當有五侯泉人疑洪進所管二州何以容五侯

豈能取汀建以自益耶建興國三年洪進納土改  
武寧軍節度使同平章事子文顯房州刺史文頊  
登州刺史文顯通州團練使知泉州文顗徐州刺  
史知漳州一門五侯終如其言

談苑通鑑長編隆  
正集清源志子孫

寓福

州 忱奉直大夫扁朝請大夫直秘閣守廣信提

點坑冶大雅英州僉判

見樽  
齋集

名公論薦賢士交遊

文潞公彥博富鄭公弼薦陳侂 蘓文忠公軾蘓

黃門韓薦林豫 王文恭珪陳古靈襄薦黃君俞

孫中丞覺薦黃顥 司馬溫公薦黃中庸 韓魏

公琦薦鄭伯玉 杜沂公衍龐莊敏藉薦方偕

孫中丞覺曾文昭肇薦朱紱 陳學士無擇薦薛

利和 楊龜山時薦林師益 劉康公正夫薦林

冲之 王樞密綸賀樞密允中薦鄭樵

並行狀人物志

陳侂知陝州蘓東坡劉忠肅並送以詩其弟陳睦

知潭州坡以詩別之

見二公集

方子容舊與東坡遊坡

集有和方南圭詩及守惠陽坡方謫居常留郡齋  
家藏文集古畫多所校正題跋今手跡俱存 吳  
世延工詩多與周濂溪倡和 王回與鄒道卿友  
善鄒以言事貶平時交友莫敢之顧回槩然爲治  
裝且慰安其母使者以聞追詣詔獄人爲回懼回  
處之晏然獄具削其籍遣還鄉回徒步出國門其  
子追及問以家事不答而去

見實錄

黃降字從善後

名隱字仲光與山谷厚善有賀降被召及走答從

善同年詩 方公衮與韓忠獻相善韓公嘗語富  
文忠曾宣靖曰閩中人材如公衮不可多得公衮  
嘗錄韓公言行曰魏公遺事 黃穎學於陳古靈  
靈愛其文行置於毗陵經社 傅楫未第時從孫  
中丞陳古靈遊陳門人許安世江衍之流皆以文  
藝冠多士陳不之許獨稱楫曰傅元通真金石人  
也 方元案與程伊川同處潤學義均仲仲俊伊  
川歸洛書問不絕至以方弟呼之家藏伊川手迹

十餘絛其三絛晦庵刻於白鹿書院 王晞韓與  
胡致堂有膠庠之舊後宦遊南北致堂嘗貽書晞  
韓曰每追思雪冬槐夏齋亭談會繁臺夜飲一斗  
不醉那可復得耶 方耒以從張南軒朱晦庵遊  
及耒罷尉善化南軒以序送之見集 嗣帥潭辟耒  
置之幕下晦庵嘗大書廉勤公恕四字以貽之後  
過莆聞耒卒往哭之且賻其墓葬以上見行狀人  
物志雲南見錄

游洋  
志

出鎮閩藩持憲鄉郡

莆之帥本路者自屯田郎中李忻始今帥廳壁記  
忻所作也繼有工部郎中陳絳殿中丞陳鑄樞密  
院直學士蔡襄右司郎中許懋朝散郎陳覺民權  
右文殿修撰蘇烜敷文閣學士陳俊卿再以資政  
殿大學士知寶文殿待制陳居仁再以觀文殿大  
學士知直徽猷閣林杗顯謨閣學士鄭僑長樂人  
歷帥  
提點本路刑獄者陳覺民方廷實覺民兩爲鄉郡

使者凡過郡邑非公事未嘗與僚屬交一談人甚  
憚之廷實知民俗利害奏除月輸免行錢和買抑  
配及以便宜開常平救泉民之旱飢云

人物志

### 牧守隣邦倉漕本路

守泉州者陳靖方慎言蔡襄方穀陳覺民蘓煜林  
伯顯蔡橚林震林之平林大鵬林枏傅淇方銓

泉州

太守壁記襄覺民洪三公守  
泉日母俱九十鄉人異之

漕本路者蔡襄陳國瑞陳覺民徐確朱宗方天若



林孝澤子枏提舉本路常平者洪中林郁陳啓期  
林師悅黃國鎮方翼方畧陳覺民蔡戡姚宗之他  
未詳

列郡帥守諸路監司

帥東京開封府蔡襄 西京河南府方偕阮駿洪  
中 南京應天府蔡襄 京東西路襲慶府鄭濟  
方劭 京西北路潁昌府陳次升 河北西路真  
定府朱紱 秦鳳路鳳翔府李忻李宣 淮東路

楊州府林震陳吉老宋棐 淮西路壽春府朱綬

張式陳彥文 浙西路臨安府蔡襄方偕蔡戡

浙東路紹興府陳靖方會方慎言陳彥恭宋棐

江東路建康府陳靖陳俊卿鄭僑劉桀 江西路

隆興府陳彥文陳俊卿龔茂良蔡戡 湖南路潭

州府陳靖方慎言方慎從陳睦 梓路潼川府翁

彥升 福建路福州府

見出鎮  
閩藩條

廣東路廣州府陳

睦方會陳覺民龔茂良 廣西路靜江府蔡戡

守京東東路密州薛文 濟南府林成材林震

登州陳鑄 萊州陳方陳次升 京東西路徐州

蔡伸陳次升 東平府方會林震 京西北路河

陽府陳絳 順昌府蘓煜 汝州陳鑄林成材林

震 河北東路冀州林豫 德州李持正 恩州

陳淬 河北西路德信府林豫阮沂 廣信軍林

豫 河東路平陽府林積仁 保德軍林豫 永

興路河中府方會 陝州陳侗 同州李忻 鄜

州林豫 解州李欣 慶州陳彥文 儀州李欣

淮東路亳州鄭濟傅楫 宿州陳淬 楚州李

昭用陳彥文 海州鄭濟 泰州吳公懋 泗州

陳彥恭林震吳公懋黃隱 滁州薛環許翼 真

州邱奐 通州宋棐蔣雖 連水軍林豫宋邦光

淮西路廬州林震 蘄州林震 和州李德昭

蔡伸 濠州張式薛世清 光州傅誠 無爲軍

方天若 浙西路平江府陳靖陳維德陳芾 鎮

江府林震蔡洸陳居仁蔡戡 湖州陳侗 常州

葉容 嚴州許搏方通宋鈞 江陰軍宋藻蔡戡

蘓十能 浙東路慶元府林成材林枏 衢州鄭

濟王悅劉夙 婺州陳靖 溫州林之平劉夙王

悅傅淇 處州陳淬葉容 江東路寧國府蔡洸

傅淇陳讜 徽州陳居仁蔡戡 池州葉元澣

信州林枏陳守 饒州鄭梟 廣德軍陳次升薛

世清 南康軍林冲之林孝澤蔡誠 江西路贛

州張式黃艾 吉州蔡洸方崧卿 撫州許搏林  
宋卿林廷彥陳守 江州李昭遠林師悅徐確陳  
彥文余崇龜陳卓 筠州林積仁 興國軍方崧  
卿薛倬 南安軍方崧卿黃隱 臨江軍林冲之  
建昌軍林師悅陳夢烈 湖南路衡州許稷余秀  
實 道州方信孺 永州翁黥 邵州林蘊林豫  
黃沃 全州薛安靖 桂陽軍葉元澣 湖北路  
鄂州陳居仁鄭梟蔡開 常德府林一鳴王進之

德安府蔡伸陳芾 岳州方橫林宋卿林叔度

辰州蔡洸 靖州薛世清林叔度 荆門軍黃

黼 成都路眉州陳彥恭 嘉州方慎從 夔州

路達州方慎言 忠州陳恪 恭州林宋卿 利

州路間州蘓欽 巴州蘓欽 福建路建寧府陳

靖洪中陳覺民陳方陳闡李德昭蘓煜陳俊卿龔

茂良鄭僑陳居仁 泉州見牧守  
陳邦條 漳州鄭藩方

慎從陳方宋觀陳次升方穀方銓陳顯仁方翼王

晞亮林孝澤陳守 汀州陳淬陳恢陳奎吳師尹

吳瑤蔡師言 南劍州鄭禧方翼方醇道李持正

邵武軍林豫鄭事道林若虛蔡開 廣東路邵

州薛利和阮僑林宗可方信孺 循州陳孝洵宋

煜 潮州方慎從陳鑄方畧方綦薛利和李持正

翁于禮林元宗陳裕之 連州陳惟德阮鵬方補

封州方維蘓洸 肇慶府陳懌陳可大林元忠

翁彥升傅淇 新州陳懌顧天鈞鄭守浩蘓洸葉



元汴方信孺 德慶州吳庭秀王進之余茂實留

洪 南恩州陳懌余祖奭阮中方漸薛利和黃公

度陳豐方威 梅州方次彭方漸薛珩游輔陳希

輿張熊徐楠 南雄州陳鑄阮之才 英德府阮

中阮鵬葉元汴陳光祖 惠州王尋林俛方子容

陳膏 廣西路密州吳贊范薰 邕州田涇薛世

清陳光祖 象州陳義和游輔陳諒 融州余茂

實 梧州吳世延徐楠陳起 潯州陳端鄭思永

陳諒 貴州傅汶陳謹鄭東 宜州徐楠 賓州

宋煜 橫州林叢林寶儉 高州李悅仲 雷州

陳惟德陳啓期薛利和蘓洸 鬱林州徐楠 廉

州龔嗣昌陳祐之 瓊州方畧陳大和薛元肅

昌化軍黃顯薛景黃球林叔坦葉元澣 吉陽軍

林寶慈 萬安軍龔嗣宗

監司總領淮東蔡洸 淮西蔡戡 湖東蔡戡

轉運京東陳靖林震 京西李忻陳靖林震方崧

卿 河東方寅 陝西李欣 淮東劉彌正 淮

西林震傳誠 兩浙許懋陳國瑞林正 江南陳

靖 江東林杅蔡戡鄭梟 江西林豫林師說鄭

梟林杅龔茂良方銓 湖南陳守劉槩 湖北鄭

梟 成都鄭庭芬 夔路蔡樞傳謙受 利路蘓

欽

福建

見倉漕本路

廣東李忻方慎言林豫方畧林

師說林孝澤林光朝林杅蔡戡薛元肅葉元汴

廣西李忻方寅方崧卿 提刑京畿林積仁蘓棫

浙西陳睦傳琪方銓陳希 浙東林豫宋裴林師

說姚宗之傳琪蔡戡 江東翁點 江西姚宗之

翁點今陳謨 湖南蔡戡鄭濟 湖北今蔡開

菱路翁點 福建見特憲鄉郡條 廣東方慎言陳中復

陳覺民龔茂良方廷實林光朝方崧卿葉元汴

廣西林光朝方信孺葉還 兼轉運提舉京畿林

震 京西方甸林成材河西陳顯仁秦鳳鄭元興

淮東蘓煜 淮西蘓棫 河南林儔蔡樞 兩浙

方天若 浙東蘓械 成都蘓煜方嘻 廣東陳

中復方監方臨方甸 廣西黃顯 提舉常平京

畿黃靜 京東陳中復林成材 京西林希覺方

寅蔡樞黃靜 河東方會林積仁 淮東鄭濟劉

彌正 淮西蔡樞蘓械方翼 浙西陳睦徐確薛

元鼎 浙東方天若宋藻姚宗之 江東鄭僑陳

士楚 江西林積仁鄭僑傅琪陳守 湖北蔡確

鄭廷芬陳蒂 潼州鄭廷芬 福建 見倉漕本路條 廣

東林析蔡戡葉元汴 廣西陳中復 提點坑冶

九路陳彥恭王沔趙伯達 提點市舶福建余茂

實許知新陳寔 廣東陳泮林孝澤留洪宋煜葉

元潯陳叔度

建炎以前未詳

### 兩淮分節聯州秉麾

蘓煜元名從木從亘改賜今名字天寵與弟棫有

聲大學同擢進士第後煜提舉淮東棫提舉淮西

父大中迭過其子時人築花萼樓于兩淮之界

謝克

家撰墓志

傅汶字元魯提舉江西弟淇時爲浙西憲

母夫人年幾九袞兩路更迭迎侍之

行狀

方慎言守泉州弟慎從守漳州有賀以詩曰梓里

瑁麕飛皂蓋棠郊花萼照朱旂又云晉室曾推二

陸榮未如方氏弟兼兄佳辰花縣聯符印

慎言宰蘭溪慎

從繼

此日常郊接旆旌

行狀前詩見鑑明錄後詩見陳悅之文集

陳

諒字友仲侍郎諱兄也諒嘗通判循州侍郎亦通

判于廣後侍郎守貴諒亦守潯潯貴相望纔二驛

子姪更相省聞唯諾之聲相聞二州之人榮之狀行

繼守翁孫同漕父子

蔡禱字子強擢大觀第曾祖襄嘉祐間以密學士  
知泉州宣和間禱以直秘閣繼守泉州禱爲政有  
祖風時太母令人劉氏肩壽康寧父金紫傳未老  
休官泉距莆纔三舍安輿往來時人榮之狀行

林孝澤字世傳擢宣和第子析字子方擢紹興第  
父子并漕廣東直秘閣漕本路閩廣人榮之初析



在廣東陳正獻寄詩云雙闕門高襲慶餘相望再  
世擁軺車清名益重先君子遠俗爭看行秘書醫  
國十全姑小試蠹民五瘴想先除炎州莫作經年  
計狗監傳聞誦子虛析凡八任  
監司帥守方監子廷實俱  
擢進士第監嘗提舉廣東後廷實復爲廣東憲廷  
實族子崧卿嘗漕廣西今其子信孺復爲廣西憲  
林豫子師說並嘗任廣東江西漕浙東憲

對御講經入館著史

林光朝字謙之登隆興第爲國子祭酒時會孝宗幸太學以禮部侍郎李燾執經命光朝講中庸凡爲天下國家有九經一章王音嘉獎賜三品服不

旬日除中書舍人

人物志

徐師仁字從信登大觀第尋爲校書郎遷著作郎東觀文集無不經目作表志列傳樂章落筆數千言時修國史極天下之選得四人倪若中劉大中

汪藻而師仁居其一

汪藻撰墓志

大小金紫伯仲從官

方峻擢天聖第官至職方郎第嶠擢景祐第官至太常少卿後並以子贈金紫光祿大夫鄉人謂之

大小金紫

家傳

李欣字公愉與弟歆俱擢進士第爲諫議大夫歆爲刑部侍郎又有父子祖孫俱至侍從者陳睦子彥文傳輯子誼夫蔡襄孫佃曾孫洸從孫

戡

家傳氏族言行類藁

賦傳渤海詩播契丹

徐寅以能賦爲唐末知名進士渤海高元固來閩中求識寅言本國得斬蛇賦人生幾何賦家家以

金書屏幃云

探花集人物志

蔡襄字君謨登天聖第爲三司判官時范仲淹貶知饒州余靖上疏論救尹洙請與同貶歐陽修貶書責司諫高若訥皆貶蔡襄作四賢一不肖詩記其事中都人士爭傳寫契丹使至密市以歸後張

中庸使北見幽州館中寫襄詩于壁云

言行錄謂寫歐陽詩

於壁按此詩乃襄所作歐陽特貽書耳言行錄誤

十年八座九任五馬

林大禹字梅卿登紹興第爲臨安教授改諸王宮

教授自是六遷爲吏部尚書十年至八座

家傳

林震字時敷登崇寧第三持使節歷知濟南東平

府廬陽汝汭蘄新潤泉州凡九任五馬

行狀

附見

林豫字順之擢熙寧第歷知保德廣信邵武軍邢

邵鄺冀州凡七任

墓銘

瞽識狀元盜知儒者

徐鐸未第時有瞽者過延壽掬溪水飲曰是地有  
出狀元至白杜家塾聞侍郎方會誦書聲曰吾得  
狀元矣留宿而反翼日遇鐸曰此真狀元昨日者  
非後果然

郡志

黃璞字德溫唐大順二年擢第號霧居子自福州  
候官移居莆田涵頭今居里尚仍候官曰黃巷巢

兵入閩焚蕩室廬至璞居曰此儒者戒戒令滅炬

字傳

門亞聯名相樞同朝

紹興八年黃公度爲進士第一人陳俊卿亞之里

社揭以旗云粉榆未三里魁亞占雙標耆舊記聞

乾道三年葉容爲左僕射陳俊卿同知樞密院兼

叅知政事二公對秉鈞樞時人榮之今郡治有兩

台霽色之詞中興百官題名志

特賜睦蒂號爲方瓢

陳睦絳之孫熙寧間爲監察御史天聖以來高麗  
職貢稍闕至是連歲修貢中國之使不踰海者幾  
百年始命門下侍郎安燾往聘又謀爲介皆畏縮  
不行乃命睦睦慨然絕無難色神宗曰卿奉命即  
行可嘉除起居舍人特賜仙花金帶使還奏言本  
朝故事惟寶文閣直學士以上乃服金帶前以使  
事不敢辭今願還所賜特旨令服之後錢勰楊景



畧援例上竟弗許

國史  
行狀

方偕字齊古爲三司鹽鐵判官使契丹先是敵宴  
使人酒器有剖大瓢之半托以金容三升前後無  
能飲者偕使時其主滿酌屬之曰以侑歡也偕一  
酌而盡敵大驚喜遺以名馬號其器爲方瓢後宴  
中國使必出以寘諸器之右

仁宗實錄東軒  
壁錄蒲陽雜志

歧公歸朝梅妃入侍

陳洪進代張漢思爲留守後有泉漳之地乾德元

年間道奉表二年朝命其地置平海軍授洪進泉  
州刺史平海軍節度使泉漳觀察處置等使太平  
興國二年八月入見崇政殿賜錢千萬銀帛一萬  
匹兩三年四月表獻所管二州得十四縣戶十五  
萬一千九百七十八隆平集云縣十二戶一十一  
萬二十一今從長編兵一萬八千七百二十七尋  
加同平章事封岐國公四年舉族歸朝後遷至使  
相卒謚忠順先是留從効爲清源節度藝祖受禪

假道奉表稱賀賜勅書獎諭三年加開府儀同三司檢校太師未至而卒明年進封鄂國公謚曰恭累朝以功臣後錄其子孫凡十人今並錯居于郡

多登科者

清源志莆陽志十國紀年十六國志天下大定錄五代史通鑑長編本朝實錄

留氏家牒參出

梅妃姓江氏莆田人九歲能誦二南詩語父仲遜曰我女子期以此爲志父奇之名曰采蘋開元中高力士使閩以選入侍大見寵幸妃能屬文自比

謝女常淡粧雅服姿態明秀性喜梅所居欄檻悉  
植之榜曰梅亭梅開賦賞夜分尚顧花下不能去  
上戲名曰梅妃有蘭簫梨園梅花鳳笛玻璃杯剪  
刀綺憲等賦上嘗與妃聞茶顧諸王戲曰此梅精  
吹玉笛作驚鴻舞一一光輝今聞茶又勝我矣妃  
應聲曰草木之戲誤勝陛下設使調和四海烹飪  
鼎鬲萬乘自有憲度賤妾何能較勝負耶上悅會  
楊妃有寵遷於上陽東宮作東樓賦以自寓一日

上在花萼樓命封真珠賜妃妃不受以詩謝曰桂  
葉雙眉久不描殘粧和淚污紅綃長門自是無梳  
洗何必真珠慰寂寥上得詩悵然令樂府度爲新  
聲名曰一斛珠後安祿山犯闕妃死于亂乘輿東  
還得其屍于溫泉池側梅樹下葬以妃禮上自製  
文誄之後題妃畫像云憶昔嬌妃在紫宸鉛華不  
御得天真霜綃雖似當時態爭奈嬌波不顧人今  
世圖畫美人把梅者曰梅妃汎言明皇時人即此

也

此傳紫石林得之朱遵度家  
乃唐大中二年七月所著云

白衣直講緋袍進士

黃君俞字廷僉少強學著書二百卷名動京師劉  
敞得其書謂似兩漢儒者嘗試開封第一同時學  
士大夫絕不敢與比肩而君俞乃四黜於禮部內  
翰鄭獬中丞滕元發叅知王珪交章論薦新進士  
許安世等二百餘人上書闕下乞輟所得恩命命  
君俞上乃召試舍人院除國子監直講時方子通

贈以詩云紫書夕降御床邊門下褒衣繞數千捧  
撒喜隨親色動授經榮勝主恩偏相如好賦真童  
子賈誼多才惠少年道在不須憂絳灌一時卿相  
盡知賢密學士陳襄復薦於朝曰君俞雖蒙擢用  
未盡其能遷文院校書改館閣校勘林尚書撰莆  
陽風物賦謂白衣平步入直講是也

神宗實錄黃  
廷堅墓記

陳沔宣和中以布衣入檢討弟洪亦布衣校正睿

思殿文字淮南招撫使淬其兄也

人物志

薛利和字天益寶元初中甲科時北使適至願觀  
唱第詔第一甲皆賜緋莆陽預是科者利和及陳  
安國林讓利和還至平床嶺有詩云傍人笑我無  
藍袖今日朱衣嶺上歸後以子交貴累贈金紫光

祿大夫

莆陽志  
人物志

二紀四相七年三元

乾道二年葉容拜左僕射五年陳俊卿繼之八年  
梁克家爲右丞相淳熙十六年留正又繼之葉陳



皆莆田人梁留並居晉江晉江與莆田舊同郡里

人詩云兩州三驛路二紀四台星

本朝元鑄表  
典百官題名者

舊紀  
間

乾道五年鄭僑以興化人擢進士第一先三年則

永福蕭國梁後三年則黃定二邑相距只介一山

福人歌之曰相距都墟無百里七年三度狀元來

者舊紀間  
登科記

明經五人學士一門

徐昌晉寅之曾孫太祖朝守國子博士累遷殿中丞與兄昌嗣昌燧等五人皆以明經入仕邦人榮之慶厯間侍講林瑀過其里門題曰桂枝坊蓋取

丹桂五枝芳云

鑑明錄人物志

黃璞唐崇文館校書郎子仁漑三史擢第仁藻著作郎仁渥太子正字仁滔御史裏行仁渭秘書佐監仁渢亦以武舉狀元顯時父子五人並歷館職

號一門五學士

人物志

莆陽比事卷之二 終

莆陽比事卷之三

龍坡李俊甫幼傑纂輯

御筆賜字詔書不名

蔡襄皇祐五年間摹寫真宗聖製奉神述既成御  
筆賜字曰君謨襄進詩謝上詔答云省所進古詩  
一首爲御筆賜字君謨者朕嘗日罷朝間燕多以  
經史書藝頤神因見唐高宗賜戴郝李崔四臣之  
字旨義皆有誨諭卿詞令根于溫厚筆力極于神

妙名以本其所贊字以伸其所輔偶御毫而援翰  
俾中璫而特賜良以將厚意表殊寵也敷陳謝懇  
發爲詩文重增嘉歎襄勒石序云歷考故事未有  
列官侍從而宸毫賜字不緣名品而象服及親獨

臣恩榮前無此例

見賜字碑象服  
及冠帔事見後

陳俊卿字應求淳熙九年以少傅致仕十一年十  
月上以俊卿生日遣使賜手詔云卿垂車梓里諒  
多燕適眷言舊弼渴想良深誕序將臨耆艾可慶

賜卿金器香茶至可領也式彰異數徃績茂齡其  
益保頤以昌壽祉故茲親禮宜體至懷題曰付陳  
少傅而不名俊卿摹刻于石叙云昔唐代宗之於  
郭子儀本朝太宗皇帝之於呂端一以社稷元勲  
一以太平名相若時體貌度越樊章顧臣何人敢  
當此禮

手詔  
刻石

荔陰孫子楊葉弟兄

方慎從字惟之登景德第守嘉州日嘗于公圃手

植荔枝賦詩有留取清陰待子孫之句大觀中曾  
孫禧以殿中侍御史持節蜀部巡歷至嘉父老尚  
有能誦其詩爲禧賀者

都官墓表  
殿院行狀

林藻與弟蘊俱擢唐第名動京師歸經梨嶺題詩  
云昨向嶺頭題姓字不穿楊葉不言歸弟兄各折

一枝桂還向嶺頭睽影飛

閩川名  
士傳

冲晦先生褒光處士

徐復字復之一字希顏寅三世孫博學尤長于易

康定中元昊復叛詔求有文武才可用者叅政宗  
綬以復薦仁宗召見崇政殿訪問世務命講易初  
終四卦又問今歲值何卦西兵何如復對歲值小  
過而太一守中官兵宜內不宜外

詳見卦推西夏條

命以官固辭乃官其子留復登聞鼓樓歲餘求歸  
禮以束帛賜號冲晦先生東歸遊杭之萬松嶺因  
居焉每與林和靖往來杭人稱二處士翰學沈邁  
榜所居曰高士坊太守蒲宗孟題其舊隱云冲晦



先生不屑官布衣謁帝布衣還尚嫌姓字騰人口  
惟恐文章落世間大隱不妨居市井高吟何處問  
家山平生客意江湖上雲自無心水自閒

龍川志  
石林遊

暑錄通  
鑑長編

張弼字舜元操尚介潔不求聞達嘗謂易學久晦  
乃盡去傳註獨誦繫詞二十年一日釋然而悟引  
鼓自撾于是著成一家之說紹聖二年尚書省以  
其書上詔付秘書省賜號葆光處士三年部使者

以方臨等舉狀奏聞勅授泉州教授告詞云大臣  
言爾行義尤深于易學官考所著書發明象數出  
于自得從臣部使者繼以爾言宜命以官往職訓  
導時弼年六十餘矣

實錄人物志黃穎所作弼傳  
黃襲易解序紹聖奏劄語詞

出參

湘鄉門人艾軒弟子

鄭厚字景常一字叔文號湘鄉先生

以官終湘鄉  
令故云

舍法行學者宗王氏新義文格卑弱厚推原古意

叅以時事雖場屋之文亦有經世之術詞賦典麗  
秀傑追琢坡谷閩中士子一經指教皆爲當世聞  
人龔公茂良嘗謂吾莆文字以湘鄉爲開山祖既  
第之後執經問業不離左右厚嘗考試福州一時  
名士如林之奇陳誠之鄭鶚李樗之孟仲叔季皆  
在邇中人謂三山名士一網打盡表所居曰名賢

坊

耆舊紀聞  
游洋志

林光朝號艾軒先生以聖賢踐履之學爲己任窮

經討古浩然自得四方挹衣從學者歲率數百人  
乾道淳熙間莆中名士多出其門丞相周益公誌  
其墓云始予與劉賓之同年進士暨仕于朝識陳  
正獻公賓之博洽剛介正獻道德隆重每論莆中  
人物賓之曰艾軒吾師也正獻曰艾軒吾益友也  
後見七閩之士人人喜稱艾軒方奏名南宮時朋  
友門弟子宦達已多徃徃交賀于朝以其有所抱  
負庶因仕以行道也艾軒歿後莆人同請于郡立

祠城南每歲春秋太守率諸生有事祠下一郡之人莫不奔走起敬郡爲榜其居曰師儒坊

陳正獻  
撰祠堂

記周益公撰  
墓志參出

### 唐家遺裔孔聖諸孫

李丹唐宗室蔡王尉八代孫以朝議郎祠部郎中爲饒州刺史貶泉州莆田令卒于官州刺史王審珪銘其墓曰崑山玉碎漢水珠沉天喪賢宰號慟民心子孫因家于後埭子崇校書郎朱梁受禪李

氏仕者志易告身崇歎曰吾寧能爲劉國師耶遂  
棄官歸曾孫忻與弟歆列仕皇朝俱至侍從歐陽  
公修唐史自忻歆諸子而止並列名宗室表今其  
裔多登科者

唐書表國朝實錄通鑑長編家傳參出

又江王元祥

之孫藋

游洋志云子誤

則天時寓泉之南安藋孫隴西公

楚珪嘗爲雲麾將軍後又自南安徙居興化縣之

西平遂爲西平李

游洋志謂其先有封西平王者誤按西平東平皆地名唐表別

有西平王郡志又載江王之後有曰翔者尉莆田

遂因莆田家焉令子孫多錯居于郡

按唐表云翔即裴之四代

也孫

孔仲良宣聖三十八代孫唐以儒林郎守泉州莆田令因家于涵頭有寶歷二年告身尚存裴度書押周益公朱晦庵題跋仲良裔孫幼夏嘗修孔傳纂闕里祖庭記本家雜記猶子孚又今祀郡學香火

忠惠之家孝友之門

蔡襄故家在郡南五里淳熙三年賜謚忠惠郡爲  
表其坊曰忠惠之家王龜齡有過端明故里詩云  
懷章南過蔡公鄉駐馬遙瞻數仞墻丹荔株株經  
品藻喬松葉葉惠清涼四賢詩出入爭氣三諫章  
成國有光真是濟川三昧手清源遊戲作虹梁

謂公

守泉日作  
洛陽橋

林攢唐真元間爲福唐尉親死廬墓感白鳥甘露  
之祥廉使李若初上其事詔賜雙闕以旌其廬時



號闕下林家今所居曰孝友坊貞元旌表林氏里  
曰孝義里王龜齡過其居詩云唐室遙遙孝友門  
屹然雙闕至今存當時但下思親淚不爲恩波及

子孫

唐史孝友傳閩川名士傳歐陽詹甘露述

艾軒舊莆志序云太

守鍾離公松偶一日道人物山川且欲按圖而求  
之以縣北三里有故家爲林氏出南郭可五里蔡  
端明有舊第熟視雙闕者不覺斂容過蔡公之門  
或立馬徘徊不忍去以南北通途數里乃得此若

求之井邑聚落所得又益多此圖經所由出也

郭義仲遊太學聞母喪跣足三千里哭輟嘔血家  
貧甚及治喪雖故人有饋不肯受聚土爲墳廬其  
傍赫日方中甘露霏霏而下郡以聞于朝有旨旌  
表其閭淳熙重榜其門曰紹興旌表郭氏義重六  
試禮部得官再調德慶錄叅卒父軒記其事曰一  
夫以孝聞天子爲之改容且至大書其門以褒勸  
旌異之莆之東北隅惟林氏爲故家雙闕今無恙

南北街道由是出必立馬停輶而後去三百年來

有郭君孝子視昔人無媿色云

郡志並家傳參出

附見

黃大器興化人事親孝芝產于廬者三鄭夾漈爲

文記之

游洋志

黃琮喪母哀毀不食甘露降于總

帷三日

人物志

黃提舉國鎮之子希閔廬父墓人

號爲孤廬黃家

太學生彭受廬墓有白鵲之祥

郡表其坊曰孝行卓異

並莆田人

弟兄入館師生齊名

陳侂弟睦治平三年上令侍臣舉可充館閣之士  
於是韓琦曾公亮歐陽修趙概等所舉蔡延慶等  
二十人侂睦預焉已而睦除秘閣校理侂除館閣  
校勘

通鑑長編劉  
芬撰墓志

劉夙弟朔在孝宗朝俱入館

而朔特以不試除正字

二劉  
墓碑

葉正簡陳正獻當國日以林光朝劉朔首薦朔師  
事光朝至是同召告詞云爾朔直諒多聞而果於  
從政爾光朝學問原本而志于仕道指陳當務之

急興予見晚之嘆

行狀及  
告身

學爲置祠民競立廟

郡庠陳正獻龔莊敏祠以德望立蔡忠惠林孝子  
以忠孝立二鄭厚樵林光朝二劉夙朔以儒學立  
方儀以伏闕上書請建軍學立前太守趙彥勵王  
居安生祠以撥贍學田立

軍學  
碑

陳希造與父吉老捕劇盜于武平之義竿口死于  
難汀之六邑人競爲立廟 宋旅擢大觀第知剡

縣越盜犯剡旅拒戰死之邑人祀焉 林豫歷知

七郡悉有遺愛其治邢州邊徼之民生爲建祠敵

服其威名嘗出緡錢修之

國史郡志鄭  
江志行狀

循良爲冠清白相傳

黃琮字子方校書璞六世孫登元符第嘗宰閩清  
凡官有泛科及民者以已俸代輸百姓立祠靈應  
寺有閩清清過伯夷清之謠府帥黃裳漕翁彥國  
風力凜然琮以剛正逢怒既而反舉以京削時陳

麟翁谷皆以治邑有聲號三循吏琮後通判漳州  
年五十二休致而去給事中傅崧卿薦琮云政和  
宣和間循吏有三琮爲之冠乞特起用之琮竟不

起

長樂志  
人物志

陳靖字道卿好學通古今利害事歷

七郡凡賦斂害民者悉奏罷王偁循吏傳云國家  
治尚忠厚廉平之吏代不乏人今獨著循良于篇

自國初至靖康所傳纔十一人而靖預焉

東都  
事略

林孝淵字全一擢崇寧第侔泉日按舶貨吏循例

歸龍腦一盒孝淵厲聲曰公則官物私則商貨何  
例之有反舶庫納之弟孝澤居官所至以廉平稱  
守臨漳一夕視事竟有持燭送至闌內者孝澤曰  
此官燭也何可用之私室亟命持去楊誠齋銘其  
墓曰清風肅而冰之玉之式訛彼貪尚或怛之孝  
澤子析尤清介有過客題其墓云青紫紛紛總是  
官有誰姓字落寰間羨君清勁如松柏千古風聲  
凜歲寒

並見家傳墓志

林達秘書丞徽之後居官清白



司泉舶有遺鮓十甕者達不逆其意受之他日家人發視乃白金也達嘆曰昔人畏四知予獨畏一心遽還之

家傳

許稹仙遊人登景祐第仁宗朝舉

天下廉吏凡四十九人稹居其一

國史

坊名襲桂嶺號歸仙

方殷符唐禧宗朝爲王府諮議與其子廷範自光山來宰長樂遂家于莆田刺桐巷廷範六子是爲六房方自齊卿擢皇祐第子穀復擢熙寧第郡榜

其坊曰襲桂既而容武舉及第子天若族子旬同  
擢紹聖第天若子劭復擢大觀第弟天任擢政和  
第 又有林氏由長城來居是巷自然之擢熙寧  
第弟冲之擢元符第冲之子郁擢宣和第朝請渙  
之子震擢崇寧第朝奉澤之子震擢政和第衣冠

聯延復榜其坊曰朱紫

人物志載爲  
陳蟠事誤

陳乘擢乾寧第陳光義擢元祐第所居號孤單嶺  
及第還鄉遂改爲歸仙嶺蓋仙遊登唐第者自陳

乘始而光義繼之邑人故以名其嶺云

命志

布衣入幕草澤上殿

邱奐字明遠紹興初詔山林遺逸有謀議可裨國家者赴都堂議事郡以奐充選進書數千萬言得旨堂察奐上沿邊利害二十餘劄丞相呂忠穆公竒之屬淮甸有警忠穆都督八路奐以布衣入幕未幾奏授以官張魏公亦器之奐嘗談兵劉錡座上錡喜曰吾生長兵間知兵惟子子蓋天授非紙



先是祥符間林楮藻之裔孫以草澤召授本軍教  
授勅書云爾居閩越之俗爲鄒魯之儒願飭行藏  
聞于鄉黨宜殫麗澤往教州庠

人物志

承議延賞特科奏薦

卓厚字德載興化人擢熙寧第崇寧間歷官臺省  
轉承議郎而卒朝廷特官其子

狀行

蘓棧字公美

徽宗時由尚書郎爲辟雍司業上奇其才將擢寘  
翰苑而卒自奉議郎贈二秩官一子一弟且勅後

不得援例

王之奇  
撰行狀

莆田阮南雄之才阮南恩巾方封州維興化林通

判兌皆由特科至員林郎任子他未考

郡志

自擢御史宜爲舍人

傅淇字元瞻擢紹興第官中都未嘗造權貴門適  
大臣去國事闕言路臺諫空者累月會孝宗命以  
六院姓名來上皆下當上意時淇已代去上閱班  
簿獨指淇召對敷奏詳明上嘉歎即除監察御史

時六察皆闕官獨淇一人糾察廢務風采凜然上

喜曰傅淇朕自擢也

行狀

陳次升字當時登熙寧

第紹聖初爲御史首論勅榜反覆事當國者不悅  
後乘間欲出次升爲河北轉運使上曰一漕臣之  
職豈無其人陳次升敢言不當去朝廷尋除左司

諫

通鑑  
長編

陳睦任中書舍人元豐六年冬高麗王子嗣位命  
睦作慰問書睦草詞進呈神宗手札依擬定本不

復竄易一字明日對大臣曰陳睦宜爲中書舍人  
國史

遺橘仙翁贈花山神

興化縣碧溪仙人巖上有野橘其實無時得者以  
爲瑞慶歷間陳方黃中庸元祐間方亞夫許審皆  
以九日遊巖人得一橘並登第後鄭厚鄭樵繼得  
之厚試魁南宮樵以草澤召厚登巖嘗賦詩云短  
帽依然九日風巖頭的的問仙翁神仙料不私將



橘乞與陳黃方薛公 舊云碧桃無實熙寧中徐  
鐸寓上庠偶碧桃生一實鐸見而得之明年廷試

第一

並郡志

方詠次彭之父天禧間置義齋于壽峰虎蹲崗四  
方賢士如陳秀公<sub>之</sub>夏英公<sub>疎</sub>曾宣靖公<sub>亮</sub>皆不

遠而至與其子弟肄業其中一夕山神獻花七枝  
置几上是歲七人同薦已而相踵登第後曾陳二  
公位台輔夏公至樞密使詠以子貴贈朝議<sub>郡志</sub>

就賜袍笏特命冠帔

黃穎字仲實元祐舉經明行修天下勿就者二人  
穎其一也時哲宗閱舉籍以弗至問中書孫覺對  
曰某臣所弗識穎實識之因陳其學行詔畀以官  
就其家賜袍笏主劍浦簿嗣太守方全道以京削  
薦穎請以畀同列後令長泰卒于官將死囑子公  
坦曰吾寧瑾道側不願受人賻汝其遵吾命乎及  
士民爭賻金帛公坦一無所受有哭以詩曰誰能

抱清節死亦照人寒白髮古君子青衿舊長官俸  
錢還藥盡旅櫬到家難若葬路旁上自然神物安

坦後擢第官至承議郎

阮駘作  
黃穎傳

蔡襄慶歷間以起居舍人知制誥侍御史呂景初  
吳中復馬遵坐論梁丞相適罷臺職除他官襄封  
還詞頭不草制其後屢有除授非當者皆封還仁  
宗嘉其有守曰有子如此毋賢可知特賜仁壽郡

太君盧氏冠帔以寵之

實錄忠臣  
言行錄

以詩名家有文行世

許稷工於歌詩爲晚唐所稱蔡襄詠草詩云時平  
生戰地農情入春田王禹玉謂其言干教化非野  
火燒不盡春風吹又生之比襄孫楫亦工詩如竹  
靜深留月花多不辨香曙分林影外春盡雨聲中  
皆風人所贈矣盧冢題梨嶺馮唐廟云五原塞外  
驕兒悍萬死臺前女子多聞道中郎知魏尚不教  
天子憶廉頗至今人誦之今列諸家于左

徐寅雅道機要并詩八卷

黃滔泉山秀句三十

卷

集閩人詩自唐武德至天祐末見唐藝文志

翁承贊諫議詩前後集

孫勛為序唐藝文志載詩一卷畫錦詩集

遜齋閑覽云槐黃黃舉子忙謂槐之方花乃進

士赴舉之時翁諫議有詩云雨中鞍馬蹄終日為君引蟬聲送夕陽憶得當年隨計吏馬蹄終日為君

忙載本傳鄭良士白巖集十卷

字君夢唐昭宗時獻詩五百篇授補闕見唐藝

文志後昭隱于白巖翁氏父子詩

父緯子悅承贊之後吏部侍郎孫覽為序方守

裡仙巖集

詩三百篇守裡偕之祖父

方慎言詩五卷

如題靈巖寺弄月池

有官遊難作重來約一枕泉聲老不忘之句

鄭伯玉北鄭錦囊集烏山

三賢集

鄭伯玉著作陳琪提舉方孝能謂之三賢

蔡傳城南集二十卷

吟窻雜錄二十卷

襄之孫官至朝散大夫

吳世延詩二十卷

字延之一字季叟登寶元第

方澤詩集

字公悅多與黃魯直唱和山谷詩集有呈方公

悅方惟深詩集十卷

紅梅古柏舟下建溪等詩大為王荆公稱賞至書之座間

李元文雲齋廣錄程致道北山集曹公卷南遊紀舊胡珵蒼梧集周知和岳虹詩話漢皋詩話見聞

錄多方臨詩集

中元祐第林震集句詩七卷

震號介翁長于集句

所用詩凡三百八十家嘗有客舉陽關詞勸君更盡一杯酒令屬之震曰與爾同消萬古愁如山光寺晚春有云青山有恨花初謝流水無言草自春皆的對也徐師仁跋其集云胃次應餘五色線世

間爭認百家衣為谿李惟李昭文詩卷登皇祐第

避中橋居士吳敏為序字朝彥登崇寧第朝請大夫

林采卿涪陵唱和集在涪陵與吳敏鄧雍相唱和

林迪詠唐史詩一編字吉夫登紹聖方絢濯錦詩

十卷字君素父子容欲任以官辭與二鄭詩集鄭

樵方醇道編杜陵詩評一卷南刻字華方煜荆南叢

錄字仲誥紹興壬戌奏名有詩陳惟剛燕山集二

十卷字穀老登崇寧方通詠史詩十卷慎言之孫

朝請大夫方擴岳陽唱和序字端立登紹興方廷實壽

山居士集

如書亂床頭無甲乙鳥鳴窓外自宮商之句

黃徹砬溪詩話

十二卷

字常明登宣和第知平江縣陳俊卿序

鄭揆熊掌詩話

登隆興第

知惠安縣別號蒙菴

方略詩一卷

字作謀潮州守

方翥正字詩三十

卷

字次雲登紹興第

方士舉詩一卷

字元勳登紹興府第通判興隆府黃鐘

詩二十卷

字器之登乾道第興化人

林案詩五卷

字子容登紹興第台州教

林彖詩集

號萍齋有詩數百篇

傳共註釋東坡和陶詩解

仙遊人紹興壬子奏名

宋煜捧腹集

字伯華待制葉之子朝議大夫方銓續

編杜陵詩評五卷

登淳熙第興化人

以上科名爵里已見



氏族及互見別條者不盡錄

歐陽詹文集十卷

字行周見唐藝文志李詒孫為序韓愈為哀詞李翱為傳墓在

莆田靈巖寺西平洋山

陳嶠文集二十卷

字楚封登黃璞閩唐文德第

川名士傳六卷霧居子集六卷

並見唐藝文志徐寅賦五

卷探龍集五卷

見崇文總目

黃滔御史文集并詩十五

卷東家編略十卷

登唐乾寧第

陳致雍海物異名記五

禮儀鑑曲臺奏議

五代時人仕偽閩入南唐以通禮及第

陳靖勸農

奏議二卷經國集十卷

熙寧元年吳亢以勸農奏議上下篇奏聞神宗詔藏

之中書復宣索經國鄭褒文集三十卷希閔之孫登咸平第

陳絳文集十二卷登咸平第方慎言文集十五卷登咸平第

林瑀徐復周易天人會元紀慶歷間奉詔同修蔡襄莆陽

居士集三十卷 林伸東軒集十卷三傳正經登嘉

祐方晞道筆峰集字明之登治平第徐確刑部文集登元

豐吳公懋文集字敏功登元豐第朝請大夫 傅楫集三十卷

陳之邵壺山集三十卷登熙寧第奉議郎壽州簽判龍學陳軒為序 陳

次升謹論奏議二十卷 方輔宋陳巖居士詩文

集十卷

子嶠之

徐鐸文集三十卷易談二十卷羣書

總要一百卷

吳世延文集十卷

陳太卞文集

二十卷

陳琪烏峰遺稿十卷

卓厚集十卷

方會六家謚法

政和間奉勅編修

蔡傳雜文及時政議十

卷

黃君俞六經闕言

黃廷堅云著書二百卷當是此類

鄭叔僑

文集二十卷

字子正伯玉之子登元豐第承議郎

林震文集一百卷

禮問三十卷易傳十卷易數三十卷易問五卷經

語千字文一卷

林豫筆峰草錄十卷

鄭事道

小莆川集

字希仲登元祐第朝奉郎

方龜年羣書新語十卷經

史解題四十四卷

登景祐第中黃卷離塵不夜編一

卷

紹興壬子奏名建功郎涵之後

王英歷代皇王寶鑑

字偉卿登景祐第鎮

江教授又有天文地理存古等書

方元家文集十二卷

峻之子元祐辛未奏

名方絢濯錦集二十卷

陳師立宣僊集

字可權登崇寧

第傳諒友冰廳集

字仲益歌詩賦頌表牋傳序藏銘記誌之文甚工孫內翰觀云

觀公之文蔚若武庫魁奇偉麗九鼎十鼓張弼葆

光易解九卷

黃裳龔原昌序

彭與易傳

紹興丁丑進書補泰州文學

許

允成孟子解 林自周易解莊子解詩文十卷字疑

獨陳易詩頌雜文十卷易解並先天圖說石門蟬

蛻集 李昭遠九江集二十卷昭文從弟徐復遘防策

太乙主客立成歷洪範論 方甸文集三十卷

方天若文集五十卷 林冲之木鴈居士集 徐

師仁壺山前後集七十卷確之子方通文集二十卷

襍誌十卷詩書義解三十卷 方适楊王類義詩

文十卷 方軫奏議十卷通之子陳驥安處士文集

十卷登元符第通判温州漳州黃琮文集二百卷著作多鄭廷

芬易索隱六卷覆瓿集二十卷奏議三卷八行論

蒙三卷字國華登大觀第蔡樞文集十卷翁績文集字熙

載方廷實蓄德齋文集并奏議黃考功云公美自登朝著以至北遷

京淮慷慨論事無慮七十餘奏如請建皇廟其言峻直時上富于春秋此人之所難也陳豐

舫齋文集驥之子少能文尤長于詩李邴漢老嘗得豐詩于泉南精舍恨其不與山谷諸

公同時因與定交至相陳康伯薦豐學識高明足以通達國體文章典雅足以潤色皇猷得旨除剛

定勅令官尋林廸文集一百卷王晞亮過庭道除國子博士

錄五百餘篇 方擴小蜡堂集十卷 林大鼎鐵

硯集 鄭樵溪西集十五卷夾漈書目五十八部

五百九十餘卷經旨類七種 詩辨妄書辨訛書考春秋考夾漈書傳春

秋傳跋正俗 禮類六種 謚法運記儀鄉飲禮 樂類二

種 系聲樂府校讎類十種 國圖諸有無紀羣書會紀

古系地錄求書開記書月正記 譜系類五種 氏族

校讎脩論志書脩載求正外記 天文類五種 分野記補王王希明

氏論氏族源氏 天文類五種 步天歌晝星議大象

畧天文 地理類四種 春秋地名圖百川源委圖名

橫圖 地理類四種 郡縣遷革志春秋列國圖名

物類二種

註釋詩名物志

方書類六種

本草成書本草外類鶴頂方採治錄

畏惡錄

小學類九種

六書論編字始連環象類書六書譜續汗簡音韻釋文論

梵書石鼓

小說二種

集說該典

又有歷代通志二十畧

天文地理六書七言音韻郡邑氏族禮樂職官選舉謚法器服刑法食貨藝文校讎圖譜金石灾異

昆蟲草木鄭厚湘鄉集存古易一卷藝文折衷一卷

陳昭度西軒集十卷刻舟集三十卷

字元矩登紹興第

黃

泳四印居士集

黃公度知稼翁集十二卷

洪邁陳俊

鄭至道諭俗編

字保衡登元豐第知韶州樂昌縣有別阮天台洞記

卓犖



河洛元虛二圖纂數圖解六一卷

熙寧中三舍貢士

陳俊

卿詩文集二十卷奏議二十卷

宋藻烏山集五

十卷羣經滯穗百篇中興十君論

龔茂良靜泰

堂文集并奏議

王悅春秋解五經質疑

鄭耕

老中庸解周易解

字穀叔號友堂

黃鍾史要三十五卷唐

宗類文三十卷荀楊續註周禮集解定齋文集何

巖風土記

林光朝文集三十卷易解論語中庸

解詩書語錄莊子解

薛璚邊防十論考古集十

卷

字卓然興化人登紹興第永福簿

林處詩解補闕禮經總括西

漢登微釋真解

仲之孫朱熹為記

黃亨漁樵謬論七卷

之

後登宣和第營道縣尉

郭雲盤齋石并文集一百卷

黃補

詩解論語解人物志十卷白樂天詩年譜一卷

字

博號吾軒涵之後乾道奏名

方萬斗居文集十卷

字直之登紹興第

李

綸文集十卷

字維之登紹興第漳州教授

劉夙奏議一卷史記

正誤二卷春秋講義一卷注漢書續博古論

劉

朔春秋紀年圖易占圖書註注唐書

劉起世八

象圖

子綱之

薛元鼎詩文講義二十卷

蔣維朴齋

遺稿二十卷

字元鼎登紹興第

謝洪文集十卷

字範卿登紹興第

二吳中庸論

源字清甫登乾道第淳熙奏名又有樓論十卷

黃艾止

堂雜著三十卷書講義二十卷春秋講義十卷通

鑑論斷五卷聖政史斷五卷奏稿外制三十卷

留洪詩文集

字處厚登紹興第

莆陽比事卷之三

終